

中國地方志集成

四川府縣志輯 (新編) ⑤7

民國萬源縣志

同治新寧縣志

巴蜀書社 · 鳳凰出版社 · 上海書店

第五十七册目錄

民國萬源縣志 ······ 一

同治新寧縣志 ······ 二九九

國民
萬源縣志

民國·劉子敬 修 賀維翰 纂
民國二十一年鉛印本 十卷首一卷

序

辛未夏五余適被萬源縣劉縣長子敬聘修縣志又經廖司令兩辰函電交促乃於八月首途九月抵萬至則志局已開同事諸友已分類認定從事編輯矣先是局長李君柱人龐君鸞維列舉三十事多派採訪又徵集新舊志數十種故得有所藉手就中以光緒十九年知縣楊同士先生所撰太平縣志稱舊志以後皆為最切引用舍館定余乃循其途輒玩其義例參以近四十年人事之變遷風俗之移易周諏旁稽斟酌損益是者仍之略者補之渾涵者分析之不合者更張之討論究竟乃分門十分類五十有九曰輿地曰食貨曰選舉此與舊志同者也曰營建舊多屬輿地曰官政舊為職官與武備曰教育舊為學校曰史事舊為雜類此名不同而實同者也曰藝文舊志多錄外籍茲則

萬源縣志卷首

序

一

大中印務局代印

專錄本籍此名同而實不同者也曰民治專述法團及團務此則例以義起不但舊志無之而亦各縣志之所無者也更就類目言之如人物列女舊志統敘此則分人物為義勇孝友才能義行學行文苑藝術隱逸駐寓仙釋凡十類分列女為節烈節孝節婦孝女貞烈貞女賢母合著壽男女並志凡九類忠義舊自為類是矣又細分外籍本籍與在外殉難而三非好為其難也蓋必如是而後羣分類合犁然有當於人心其他蓋難以更僕數體例既定諸友分途程功余不過總其成而已至實地測量精細繪圖則閣君柏序專門家之任也改正山脈疆域道里多借助之舊志者斯志之源起也三十四目皆有小序以見意今具列卷首不忘前勞並示由來斯志分類太多乃僅於十門各為之序亦以見類列之非偶然若云釐正體裁發明義

例成專家之著述則吾豈敢

中華民國二十一年一月天彭賀維翰謹述於萬源縣修志局

萬源縣志卷首

序

一

大中印務局代印

序

大小巴山為吾蜀兩大山脈第二系之名山自北嶺米倉東南行蜿蜒磅礴於江漢之間者二千餘里插天益高地益厚始蒙梁而極變巫森然為天下雄其間列縣十餘而萬源為最形勝故萬源跨巴山之麓北枕漢江南帶渠河高屋建瓴險塞四固當其無事則杭稻之美芋麥之利煤鐵之富蠶桑茶耳榿楠杞梓竹箭之材龍蛇之神巫醫夏畦之鬼虎豹熊羆翡翠翠翟翟之文章隨所恣而自足及其有事也一夫荷戟而川鄂秦豫之門戶無敢闕故額經略以之捍災勒制軍因而定亂所謂蔚然一山國而天然一陝區者蓋吾川東北隅之屏藩也至其靈氣所鍾發而為魁傑之才編氓之秀者則忠貞如張武壯英猛如馬軍門循良如楊芳張晴嵐孝友如李璞張懋玖義行者德如

萬源縣志卷首

序

三

大中印務局代印

周德庸龐之舉文學如賴春山張明徵高亮如張雲衢劉玉書節烈如陳遵還袁長寬王作梅項烈女其他貞女節婦賢母淑媛孝子順孫與夫一藝之材一行之士仙人釋子方技恢謫之觀蓋難更僕數矣然而自前明設縣以來迄今垂五百載而其人若皆湮沒而無聞於世也者何哉無志焉以紀之也無志焉以紀之則前乎此者無可徵後乎此者無所法將何以傳之父老詔之子弟正人心厚風俗弼教化而塞亂源乎無惑乎教匪梟牢姦回亭毒禍根伏共產滋星火燎原以糜爛乎地方也余來綏籌邊之暇謀所以救之亦既制行學宮崇道德敦禮讓以正其源矣僚友廖司令震劉知事子敬復請修志報之曰可期月志成請鑑定而序之余校之而歎曰茂矣美矣抑何其審也上自人物下至山川細之方言大之禮教罔不搜羅詳盡且使

終篇而全縣皆羅於指掌印於心口者此遵何道哉則賴有專門家實地測繪最精覈之各圖也往者桐城惜抱軒病天下地志謬誤率與實舛而獨稱泰山地理志最善儼觀今志顧何如哉雖然余有感焉夫愛國必自其鄉土始古者小學之教子弟也數方名辨方物凡以蕪愛其鄉土油然而生愛國之心也蓋余東游見彼邦士夫以逮童孺負販於其國之一艸一石視如神聖珍若瓊奇竊竊焉疑之既而察其學校鄉土有專誌方物有專書乃歎其深得吾國小學垂教之古法焉而回顧宗邦乃皆棄其祖法忘根本襲皮毛倘或質以土宜無不數典忘祖顛安怪輕棄其鄉漠視其國他仇焉無復愛惜其父母之邦乎今萬源有志矣謂宜師仿古制擇其山川人物古蹟名勝與夫文獻之遺而條節之以納諸鄉校修身歷史地理諸科使皆涵濡

萬源縣志卷首

序

四

大中印務局代印

磅礴於忠貞循良孝友義行者德文學高亮節烈之楷模而培植其根砥焉則張武壯馬軍門楊芳張晴嵐李璞張懋玖周德庸龐之舉賴春山張明徵張雲衢劉玉書之高風降軌可以接踵而比肩而所稱陳遵還袁長寬王作梅項烈女與夫貞女節婦賢母淑媛孝子順孫一藝之材一行之士仙人釋子方技恢謫之觀蓋無難人喻戶曉爭自濯磨而與之齊烈也由是而奮發其魁傑之才鍛鍊其編氓之秀以專門以名家使夫菽稻之美兼岐兩實芋麥之利易種盈庾煤鐵之富冶而厚生蠶桑茶耳榿楠杞梓竹箭之材各擷其精而毋棄於地也使夫龍蛇之神皆效其靈巫醫夏畦之鬼皆革其弊虎豹熊羆翡翠翠翟翟之文章皆呈其瑞而有界於人也若是乎萬源之富利日臻文明日啟人心正風俗厚教化立而亂機乃銷泯於無形以無負此

天然之隙區而完成其爲蔚然之山國也豈惟是北枕漢江南帶渠河高屋建瓴跨巴山之形勝以顧盼自豪云爾哉余深願萬源士大夫一德同心而共勉之也

中華民國二十一年歲在壬申仲夏月勳一位陸軍上將崇威將軍川陝邊防督辦兼四川陸軍檢察使劉存厚序

萬源縣志卷首

序

五

大中印務局代印

序

昔勝清名將岳鍾琪平大小金川於鋒鏑錯接之餘輒手一卷自遣人闖之則巖疆備覽蓋纂自省志而又益以六房之掌用備行軍枕秘者也余束髮受書卽雅慕岳氏爲人思髣髴其攘夷擴土之壯跡於萬一乃謬獲遭遇忝竊兵符深圖建立以報國家比奉命列戍萬源先後九載時兼攝民財兩政中經神共叛兵諸役四民勞於逃死兵衆瘁於戡災每值驚危震撼之秋亟取縣志誦之思得拯民戡亂之術然時代嬗變事物日新卽盜弄潢池者固異於往日斬木揭竿之倫也其事實雖不同而其釀亂之由初無二致儻弗及時甄錄備諸要刪則世運良窳之升降治亂之往跡建置官政之改革一聽其年久湮沒又將何以信今傳後乎會災亂既戢年歲亦豐縣紳耆祭取成案設

萬源縣志卷首

序

六

大中印務局代印

局纂修惟筆削需才歷久無效余旣以所事適洽拙見始商諸知事劉君子敬扳延賀太史儒楮先生來總修纂先生雖德劭年高然以修志屬史職又與家兄善殷勤勸駕俯從輿望始不憚勞瘁千里而來抵萬後塵土未揮遽勸鉛槧削之正之尅限而全稿蒞業余受讀之審其彰忠闡孝糾敝扶匡匡正人心別具卓見固懋然國史流亞始爲地理志者所能望其肩背哉夫志訓記也積記往事以開新猷今國事陟危亟矣若策抗侮之方當以人心是賴而涵育人心非熟諳舊聞無以啟發新機則志之爲功又寧僅祇助行軍之枕秘也耶惟二三君子間接章實齋政略例舉余淺薄行能著諸篇章當此是非混淆之際能召褒揚卽有冒毀求全不虞古訓昭昭第蕪後來讀志者但徵逸聞毋涉評隲則斯志固可媲美於朝邑武功矣簡陽兩

序

余宰萬源之明年禮聘天彭賀太史儒楷先生纂修縣志告成
 余以涼德躬逢其盛誠幸會也先生道德文章為吾蜀泰斗其
 間經過之繁複採輯之周詳與夫分門別類之縝密發凡起例
 之謹嚴備見於斯志之內容覺與此邦人心及吾身地位不能
 不有兩大感想感想維何所謂滿意與缺憾是也攷之舊志人
 物一篇分忠節列女為兩目而孝弟則賅括於人物志中非不
 詳且盡也先生更條分縷析別為十九類於忠孝節義之事若
 有津津樂道而不置者嗟乎自改革以還怪怪奇奇無所不有
 家庭革命出自士林裸體遊行見於婦女部曲之犯上作亂朋
 友之爾詐我虞更屬目不暇接先生乃於倫常二字凡舉世唾

萬源縣志卷首

序

八

大中印務局代印

棄而不屑道者獨大書而特書之一篇之中三致意焉先生其
 有心人哉且夫人之所以異於禽獸者以其有倫常也而人蔑
 棄倫常則去禽獸幾希矣今幸萬源地處偏隅交通梗塞一切
 新潮尚未漫入故其風俗之醇樸猶有太古遺風得先生出而
 表彰之將見後之讀斯志者知其某也忠某也孝某也節某也
 義由是而觀感焉由是而興起焉由是而則效同化焉人人為
 倫常中人即人人可為縣志中人豈不懿歟余之所以引為滿
 意者此也抑又聞之志者記也所以記已往之事實也已往之
 事實何必記記已往正所以詔將來也吾國文獻自國史以逮
 縣志向鮮覈實之記載而食貨一門尤覺膚浮非不欲覈實也
 蓋食貨志中無一非專門之學而又最切民生日用近代歷史
 家之治此學者必有賴於實地之調查詳細之報告然後編為

精確之統計事至難也故讀其書如履其地究其說可程其功今萬源茶耳煤鐵最爲富饒然試問茶耳之生產量幾何煤鐵之蘊藏量幾何恐無有能答其確數者至於製造茶耳是否合法採取煤鐵如何改良更非研究所及將何以爲編製統計之資料乎夫高掌遠躡隻眼獨具不爲曲說所困者良史之才也周諮博訪旁蒐廣羅以備掌故而資採擇者有司之責也余到任日淺又鞅掌於簿書訟牘之間凡食貨門中所列諸大端均未暇從實清釐雖欲延聘專門名家爲實地之調查作詳細之報告以助賀先生於萬一而不可得其負吾民爲何如耶此則余之深抱缺憾者也雖然吾人對於斯志之感想尙有進於此者萬源自有明設縣以來握縣篆者何一而非縣志中人試繙閱職官小傳覺褒譏所在凜凜乎甚可畏也惟知其可畏而勉

萬源縣志卷首

序

九

大中印務局代印

附於循良之列則賢者卽我師而不肖者亦我借鑑非然者當前不留甘棠之愛事後難免直筆之書後之視今猶今視昔可不慎乎因斯志付梓在卽故略摭夙昔本懷俾弁卷首非敢留告來者聊藉以自勵云爾

中華民國二十一年二月吉日簡陽劉子敬識於萬源官廨

太平縣志序

天下者郡縣之所積也國史者郡縣方志之所積也蓋自秦易侯國爲郡縣後人又以國史之目專屬王朝慎別嫌疑而方志之名以起一方雖微然而兵農禮樂之匯於六部隸於六典者無不基始於郡縣之六科故曰積郡縣而爲天下積郡縣方志而爲國史道固然也古今無無史之朝天下顧可有無志之州縣哉太平之爲縣舊矣門戶於川東襟帶乎秦楚之交其山水秀靈人物魁傑率不減他州縣至於國被邊則防禦爲重地扼要則形勢爲急尤不可以不志顧自宣漢得名以來千數百年卽有明設縣至今亦幾四百年而志乘缺如何哉豈秉筆者果無其人耶抑代遠年湮兵火相尋浸淫而歸於泯滅也歲辛卯余承乏斯邑詢之邦人知國初縣令程公溥首事編輯而其書

萬源縣志卷首

舊序

十

大中印務局代印

不傳林公穀繼之又不得前儒學甘氏暨邑貢生馬氏諸稿率猥陋不足道惟嘉慶間明經李恆嘉所纂號稱完善又不慎而燬于火亦不傳嗟乎作者之不幸一邑之不幸也已且夫志者志也治之所從出也長吏有志於一方之治顧於民俗土宜因革損益未之深考而冀其敷政優優其何能得不揆庸昧志存編摩自士夫以逮廝養走卒無不訪也自檔冊以逮私家記載無不搜也履勘赴鄉召集父老凡夫地里之遠近人才之盛衰物產之盈虛山川之向背以逮軼聞逸事無不口詢而手記之也出入兩載粗識端要又得邑庠生楚善抄稿數帙審其詞意似就李稿引伸余嘉楚生用心之良苦也又喜李稿之亡而不盡亡也輒用自慰願其書多屬雜城口應志于三鄉輿地事實全未采及職官營制戶役封蔭諸大端尤苦不備蓋李稿成於

嘉慶朝縣界視今不作楚生又以寒儒操鉛槧其采訪檢校皆有未逮無怪也噫李稿賴楚生存十一於千百而疏略若此則未知程林二公之作視此又何如夫考遺訂墜俾後來得臻完善者有司之責也知其訛謬而不亟爲糾正厥咎實深余既得楚生書益恣蒐討會奉臺檄取邑乘助修省志因盡發余平昔掌錄參以楚生舊帙根據通志區分條目與幕客海昌鍾君宜侯排比而類纂之其殘闕弗備者則具牘郡伯抄發成案而營制沿革又重賴遊戎徐君詳稽文牘泊各鄰邑郵致成編得以參稽互證凡數閱月而書成爲篇十爲目三十有四而邑志之規模始於是乎略具矣夫以數百年之掌故求之於紀載荒略兵燹殘蝕之餘而纂而輯之者又僅出一二人之手詳審精覈曾何足云要以文獻無徵歷久彌甚今不爲之計將有並此而

萬源縣志卷首

舊序

十一

大中印務局代印

佚之者聊藉是編爲之嚆矢云爾若夫釐正體裁發明義例成專家之述作備國史之要刪則余也敬謝不敏願以俟後之官斯上者光緒十九年歲在癸巳陽月朔賜進士出身語封朝議大夫知府銜在任候補直隸州知太平縣事黔南畢節楊汝偕撰于太平官舍

天文志

星野

周禮保章氏以星土辨九州之地所分封域皆有分星以觀妖祥漢唐以來言人人殊我朝瓊衡精審數理周詳宮度釐然千古不易之規也謹遵大清一統志爲斷志星野

輿地志

沿革

量地制宜昔人創置具有精心非洞悉古今興廢之由烏能因地制宜哉太平葺爾邑宋元以前廢置不常書闕有闕其詳不可得聞茲就各史地志粗擷大凡而證以一統志考其設置亦當世得失之林也志沿革

疆域

三代以上各君其國各子其民疆界井然秦并天下廢封建置郡縣歷代因之不變非故分畛域也蓋必界限明而後民志定郊圻判而後職守專計四封之形勢以發號施令撫斯土者其謹體慎固封守之遺意歟志疆域

城垣

禮曰城郭溝池以爲固蓋定地居民非有深溝高壘不足以備不虞此重關禦暴易象所以有取於豫也雖介僻壤猶當懷勇

萬源縣志卷首

舊序

十二

大中印務局代印

夫重閉之戒况太邑地居邊陲路當孔道而可不思患豫防永奠金湯乎志城垣

公署

司牧者奉天子命守此土治此民建官舍以資棲息豈惟是隆堂階高棟宇攸字攸躋侈輪奐之美云爾哉其所以辨等威敷政教宣上德而察民情者將於是乎在苟尸位素餐相在爾室恐自慚居處之崇矣其他營造或請帑興作或官民捐修均出於公附錄之以備參考志公署

山水

西南山水惟蜀最奇太平僻在一隅昔賢遊蹤罕至紀載缺然山勢蜿蜒遙連秦隴花萼八臺諸山高天傑出屹然雲表山北諸水盡歸漢江山南諸水盡歸巴江磅礴清淑之氣得天若

獨厚焉毓秀鍾靈鬱久必發傑人之出行於此卜之矣志山水場市

古者日中爲市致一方之民人聚一方之財貨交易而退各得其所意至善法至良也太邑居民類多零星散處各場相距遠近不一大者二三百戶小或十餘家不等趁墟之貨以油鹽米布爲大宗每至集期攘往熙來無不各得其願以去苟得良有司撫輯而保釐之烏在富庶之難致也志場市

祠廟

國家德洽柔懷應祀鬼神勅天下郡縣設立壇廟依時享祭此外民間所建各廟雖未列入祀典然唐宋以來象教徧天下靈異昭著福佑一方鄉之人於此致祈禱隆賽饗崇德報功禮亦宜之謹存其名而依次附焉志祠廟

萬源縣志卷首

舊序

十三

大中印務局代印

關隘

山川邱陵易稱地險周禮有司險氏之設固封守備邊境蓋惟有備乃可無患也太邑界連秦省地多險峻四封之內門戶重重誠能審其形勢擇要而扼守之又何外警之足慮焉志關隘

津梁

夏令曰九月除道十月成梁易曰舟楫之利以濟不通津梁之爲用從古昭矣太邑山國也兩山之間必有水非有津梁以達之幾何而不病涉哉今者小往大來咸占利濟烏可忘所自來乎志津梁

洞寨

洞寨之名雜見諸史承平日久民間或且相忘嘉慶初年教匪倡亂狼奔豕突所至爲墟自堅壁清野之議行而後賊勢日蹙

官軍得以日起有功洞寨之效彰彰大著今雖海宇乂安無庸特此爲固然愾前愆後亦究心地理者所必考也茲擇各路著名處所附錄於篇志洞寨

古蹟

吉金樂石隻字流傳古人等於吉光片羽歐陽文忠亦云窮巖破家詭怪所紀猶有益於多聞因有集古錄之刻誠重之也太邑僻壤無瓌奇之跡足供賞鑒因取故老所流傳者著錄一二坊記冢墓其人已古於跡爲陳並附見焉志古蹟

風俗

古者太史輶軒採詩以觀民風誠欲審夫民俗之貞淫以默施其補救化導之術也太邑小國其民多貧而風氣亦最近古瘠土向義其信然歟茲就咨詢所及錄其太凡其有待於移易者

萬源縣志卷首

舊序

十四

大中印務局代印

附著於後以代適人木鐸之徇誠能葆其純樸之素革其舊染之汚則一變至道不難矣志風俗

食貨志

賦役
則壤成賦維正之供古稱蜀地肥饒誠爲陸海當指成都近地而言太邑山多土少僻介邊陲厥田下上厥賦下中蓋猶禹貢梁州之舊也志賦役

戶口

古者男女生齒以上皆書於版司民掌籍而登之天府所以重民數均職役也太邑經明季兵燹之餘遺黎播遷殆盡國家休養生息二百餘年邑逾萬戶家浮八口繁昌之象亦既總總林林矣既庶而富既富而教守土者能無加之意乎志戶口

課稅

自管仲定國中開口之數山川祕利咸使通之唐更增議榷茶以廣民食助經費課稅之設遂以鹽茶為首務焉太邑禹筭既正恪守成規田房而外更無雜稅有不民熙物瞭合懋遷化居者流羣安於樂利也歎志課稅

倉儲

周禮倉人掌粟入之藏遺人以縣都之委積待凶荒巡而比之以時頒之此常監社濟積穀之所由昉也太邑兵燹以後蓋藏未充倉廩額缺服餘三餘九之經維思患預防之義必也我倉既盈我庾維億庶幾酌盈劑虛有備無患之道乎志倉儲

蠲賑

蠲復之典自古為昭蜀以僻介偏隅地稱陸海粵稽漢唐以降

史無特蠲之文至宋乾德四年始特免四川夏稅及諸徵之半其積逋加派元明間亦弛徵固未有如聖朝洪恩汪濊周浹寰區蠲免正賦動以億萬計也太邑數被恩施而自教匪擾亂以來尤蒙上座宸衷頻頒異數宜乎含甘吮滋淪肌浹髓欣為曠代所希有者矣志蠲賑

物產

夏書載梁州之貢鏐鐵銀鏤怒磬熊羆狐狸織皮蓋蜀部土物琛麗自古然矣太邑重山疊嶺迴薄蜿蜿其山林竹木鳥魚芋稻之饒殆亦所謂岷精縑靈示完富瓊瑤於茲壤者也志物產

學校

古者家有塾黨有庠術有序國有學蓋厚生之餘必勤正德所

以蓄才德興賢能維人心而勵風俗者胥在是矣我國家稽古右文隸版圖者咸設廟學邦人士涵濡聖化既深且久行見英才蔚起德行道藝之士爭自濯磨以共期黼黻於昇平也至書院樂育人材義學栽培寒畯皆有合於鄉校里序之義附錄於編志學校

祀典

古者國之有祀為之廟貌壇墀以置其主牲牢酒醴以妥其神灌獻馨容以宣其氣崇有德報有功典至重也我國家德洽懷柔馨香至治於先聖先賢山川土穀及禦災捍患諸神皆勅天下郡縣建廟崇祀守土官以時致祭典章明備德盛禮恭所謂事有其物物有其容者亦烏可以無紀志祀典

武備志

武功

止戈為武安民為功將以戡亂戢暴拯民水火之中而躋之仁壽之域也太邑地僻山深罕聞兵革迄乎教匪不靖自外生成雖天地之仁兵非得已而風雷之用民乃胥安謹揭縣境戡定事蹟別為一冊以紀命將行師保大定功之盛焉志武功

兵制

古者寓兵於農因井田而定軍賦自管仲寄軍令變周法沿及唐宋始專用募兵歷代制雖不同而以律以嚴期於衛民則一也國朝經制每行省分設重鎮又各隸以營汛無事則專司戢暴有事則寄以干城星布山陳至周密矣太邑蜀之邊要額設專營因時制宜尤多改置謹就歷來員弁軍實之數及防守汛地詳載於冊以備後之考覽焉志兵制

郵政

馬遞曰置步遞曰郵所以宣朝命達下情使政令往來無或艱阻者也太邑蜀之邊隅山重水複墩亭路室特著崎嶇舊制文檄紛馳均責塘兵遞送隨設舖司分東西路中更爲南北路嗣又遵奉新章改爲役遞屢經變置亦與時消息之一端矣爰次兵制志郵政

秩官志

秩官

自封建廢而郡縣設郡縣設而武備修文勤其官武勤其職天下安有不治之民哉太邑秩官宋元而上紀載缺如自明以來屢經兵燹亦頗殘闕茲就簡冊之可徵者依次臚列其政績卽附註於下俾後之官斯土者有所考覽焉志秩官

萬源縣志卷首

舊序

十七

大中印務局代印

貢舉志

貢舉

古者選士首重德行道藝隋唐以後始設科目或以詩賦或以策論或以制藝雖取進各殊而歷代名卿碩輔遠謨嘉猷彪炳史冊者悉皆出於其途太邑科名明代較盛茲檢新舊通志證以各姓族譜其譌者悉爲釐正其遺者據以采入庶繼今考獻不患無徵今幸教化涵濡沐浴詠歌現又籌辦學田以作士氣行見英才輩出科第聯翩蒸蒸而日上矣志貢舉

仕宦

三代仕進選舉外無他途漢興佐命諸臣類多拔自行間帶河礪山遂爲後世勞動門蔭所自始厥後董仲舒以對策顯張釋之以賞郎著均爲有漢名臣自魏晉以逮元明登進之途雖殊

大都不離乎數端者近是聖清受命登庸俊又首重科目以作

士氣次獎戰績以勵戎行河工軍糧開事例由斯進者願亦不乏偉人太邑仕宦宋元以前縣未專設散見他處無從剖析明代以文學顯者書不一書近今則少替焉惟綠營奉文調剿義勇投効積勳往往有荐膺專閫者邇年捐例益廣凡夫情殷報効立邀章服之榮均應採列以示表異齊民至封贈推恩以廣孝卹賞垂蔭以勵忠附錄之以彰其盛志仕宦

人物志

人物

蜀中自古爲人物淵藪矧以太邑風土博厚豈無鉅人長德後先焜燿於其間者惜以文獻無徵類多湮沒識者憾焉茲就採摭所及自鄉賢碩彥以逮一言一行有足矜式鄉閭維持名教

萬源縣志卷首

舊序

十八

大中印務局代印

者詳徵彙列用示來茲至教孝教弟典重引年附以耆壽亦採風所必及也志人物

忠節

史家作忠義傳凜然起懦夫炳萬世所以扶植人倫立後世臣子之坊也太邑自有明設縣見危授命卓有傳人而國初以來偶值軍興員弁効命行間士民捐軀赴難忠貞節義尤爲更僕難終允宜特立專門用彰風烈聞有事蹟失考久經崇祀者亦彙列於後以備續加考證云志忠節

列女

夫坤道至柔而動剛至靜而德方必柔靜備於處常斯剛方見於臨變故或則清標勁節或則美嗣徽音境遇雖殊並堪不朽茲編於貞孝節烈凡已沐旌揚之典者固已光生彤管卽未荷

題旌湮沒不彰者亦並博採無遺千古留芬久而靡忒詎不懿歟至壽婦年逾耄耋或五世同堂並爲盛世嘉祥備錄之以綴於後志列女

藝文志

藝文

史家列藝文志條其篇目撮其指意而已有明升庵楊氏作全蜀藝文志始採篇摭什包羅富有遂爲近今志乘所則倣顧文以載道文之傳事之傳也苟無當於山川風土地方利弊則雖揆藻摛華義無取乎哀錄太平固於偏隅名賢罕集韓陵片石搜剔爲難茲就碑誌流傳及他集所見者悉爲編次以尊舊聞至同時年近諸作則必嚴其程格以定去存春華不先於秋實其以此爲椎輪也可志藝文

萬源縣志卷首

舊序

十九

大中印務局代印

雜類志

紀事

古今陳跡理亂相因蓋人事天時固有運數之適然者太平爲川東門戶達楚連秦而山嶺叢雜塗徑交通寇盜乘時竊發利其險阻易於窺跡每多奔突不常之患俶擾之餘綏靖匪易亦烏可以略而弗識歟志紀事

祥異

尙書考靈曜曰春政不失五穀孳夏政不失甘雨時季夏政不失地無落秋政不失人民昌冬政不失少疾喪五政不失百穀稚熟日月光明雖聖王之世不言休徵而六氣之沴過常爲災則誠足以動修警也茲據縣災祥之可考者編年依事直書以資考鏡至天人之理休咎之應則無取其傳會概從闕焉志祥

異

紀聞

昔劉子元論史家流派不遺瑣言偏記蓋以橐筆載言先其大者而遺聞軼行每多父老流傳異蹟靈蹤尤屬鄉閭豔道事堪節取何妨並蓄兼收言實無徵未闕殊塗並罄則茲編之綴諸簡末其亦瑣言偏記之流亞云爾志紀聞

萬源縣志卷首

舊序

二十

大中印務局代印

萬源縣志目錄

卷首

序 舊序 志目 修纂姓氏像影 總分各圖另載

卷一

輿地門

沿革表 疆域另圖 分野附 山脈另圖 河流另圖

卷二

營建門

官署局所 城垣另圖 鄉鎮另圖 祠廟寺院 洞寨

關隘 堤堰 津梁義渡 名勝 古蹟 塋墓志銘

卷三

食貨門

萬源縣志卷首

目錄

二十一

大中印書局代印

戶口 物產 實業農業 幣制權衡 度量附 工業 商業 倉

儲 蠲賑 賦役 課稅軍餉

卷四

官政門

職官表傳 長所長 附 祀典 營制兵防 郵政 交通水陸

圖另

卷五

教育門

學宮書院 義 學校師範 傳習所 國術學校 巡警 教練 禮俗誌

方言

卷六

民治門

卷七

選舉門

法團縣議會 商會 農會 事會 工會 教育 團務局 各區團隊

卷八

人物門

貢舉議員 附 仕宦封蔭 忠節 義勇 孝友 才能 義行 文苑 學行 藝

術 隱逸 駐寓 仙釋 節烈 節孝 節婦 孝婦

孝女 貞烈 貞女 賢母 耆壽

卷九

藝文門

詩詞 賦 文

萬源縣志卷首

目錄

二十二

大中印書局代印

卷十

史事門

大事 祥異 軼聞 跋後

後排爲

賴 森

上 繼 霖

李 榮 森

鍾 宇

余 鼎 棠

陳 雪 晴

楊 建 泉

張 駿

楊 上 杰

李 祥 則

由右至左

前排爲

閻 柏 序

熊 秉 鈞

黃 裳 文

劉 子 敬

賀 維 翰

廖 震

冉 景 賢

張 忠 翼

龐 濟 襄

萬源縣志局全體人員攝影 民國廿一年一月一日

